

沅
湘
耆
舊
集

沈湘耆舊集卷第一百七十四

新化鄒顯鶴湘臯編輯

湘陰左宗植仲基校訂

葛歲貢樹蕃 五十八首

樹蕃字筠僑自號莞花居士湘鄉人嘉慶中貢生
有莞花居士集筠僑少有才譽與同縣舒東靑洋
交篤時稱舒葛性狷介言笑不苟嘗客昆明接刊
錢南園先生遺稿南園視學吾楚時筠僑曾被賞
識也年近九十猶喜吟余刊此集將成筠僑適歸
道山其邑人彭曉杭學博洋中司鐸邵陽以其集
來且曰筠翁之卒殆欲挂名集中不可無以慰其

意也乃爲選錄是卷之首

飛雲洞大士巖

孱顏避瑀利生氣涵杳溟未經女媧鍊關茲招提境履平
廣益畝戴歆突嶽頂空際慈悲客匝地瓊瑤影垂者紛綴
旒陷者錯藻井僧言自飛來時代復不省當面一峯立特
起乃無乘誰置閣其上大與峯頭等俯臨月潭清旁瞰洞
雲冷雲水互蒼茫巖洞常密靚曾聞滄海內普陀絕岸迥
眇茲象教地殊得大清淨憩坐共僧話豁眸撫幽景豈獨
矜蹠夷邈然忘畦町於此證名理水明雲光炯

織女篇

有女娟且都幽居城北隅長眉畫倒暈卷髮垂流蘇皓腕

金跳脫雜佩紅羅襦對鏡惜纖影宛歌嗟調孤七歲執鸞
箔十歲軋纛車十一踏牽挺十二弄跣蹠十三錦成匹一
日丈有餘文采披鴛鴦光澤耀膏濡裁爲合歡被或製出
仙裾誰與稱其服願許千金軀何意篋藏久不如縞與襦
遊冶習輕薄招搖過闌閣羨卿手爪美索卿雲藻圖償卿
五穀玉副以雙明珠豈不諒青睞恐詒白頭虞回文劇幽
怨遠戍稽征夫故素中道捐新練長歡娛申禮愼自持良
媒行次且神物終必合非偶安可俱范女甘織席文君亦
當壚還汝天孫石雜作燕市屠北道侈羅綺西家沸箏等
鉛華弗復御嫌似日趨疏明月照斷機促織增悲吁

示諸學子時秋試報罷

真璞無賣鼠買珠無買櫝遺實采其華多爲名所逐升沈
命有司知遇緣亦夙所貴雖處囊脫穎殊錄錄美服適綵
縮嘉種別重穆廢著各待時安能白銜粥慎勿操豚蹏籜
車冀奢祝大鵬六月息鯤鯢碣石暴一朝風雨迷怪物騰
江濱

送別汪銀湖歸資陽

弱冠慕豪誕治生匪所習以茲阿堵物仇我如不及回首
相識初悲歡倏歌泣春郊薄笨車秋水木蘭楫男兒意氣
雄功名視俛拾談天侈雕龍志怪抉瓊笈詎知墨磨人毛
錐色於邑鹽阪駿竹瘖枳薄鳳翎戢大嘯南山顛鼓在洪
陽隰同儕日云俎太息黃壚集生者各分馳總總髮難緝

契濶三十年中懷渺鬱悒故人天外來
聘貽嚮癡立單衣未至牀戶外涼颺
急聊坐浮濁醪飽醜誦前什瑀蝨已
增愧那復稱友執綿袍古所嗤練帶
矧不給豈忘東郭寒羞看阮囊澀老
蕩行言旋白駒不可繫送子與子期
衢側但長揖願此貧賤交奚貴藻繡
褒所以武安君黃金蓋汲汲

秋夜雨聲不止讀青洋夢史感舊有作

投分殆夙契論文規古初視我十年長
與子兄弟呼嘗言介者艾先民方著書
諷我猛著策十載當何如嗟爾墓木
拱今吾仍故吾是說詎云後自知良
不誣與物賄消息外羸內常輸與世
爭得失兩端戰區區日月任悠忽風
雅荒馳驅新進漸相遠訪舊日已疏
雨聲感蕭瑟秋氣森階除

鳴蛩似有訴唧唧齋西隅一時飲且讀聊使幽愁抒開卷
厭陳迹掩卷一字無祇此吟詠癖結習猶未除歌嘯擊土
乍涕泣沾袍裾瀉聲調亦靡毋乃正始渝抽篋發君稿屋
梁對清爓以彼建安骨證此齊梁燕豈不辨妍醜惡同俗
嘗譽憶昔壯遊日于于復喁喁故人棄我去寂寞荒江廬
苑彼青蔥樹猗蘭增榮敷卓哉昌黎伯郊籍攘其踰因茲
契物理今古同相需中年竟獨造誰是高達夫

君子行畱別馮齋諸同學

君子重令名奮志當華年殷勤視所與離索良足歎猗彼
麻中蓬弱能使之堅矧茲比松柏青翠相悅顏嚴霜不見
冽春陽胡獨暄人生貴自立同好憇夙緣冥坐契循攝清

論探幽名不惜千金乘安知駟馬 嗟哉華子魚何如管

幼安

簡譚簪堂兼示雋兒

兩世出公門沆瀣成一家以彼瓊琚珮報此青木瓜凡鳥
戢不飛衮師譽亦誇所幸伯樂顧轅駒渥洼疇昔學奇
字采采徒春華雖爲辦香祝荒莊人所嗟行矣勉兒輩慎
旃鑒阿耶身世貴有託惡居汙與邪不聞寶樹側森束成
蒼葭

聞青洋訃哭之卽書所贈墨竹 有引

此幅爲青洋丁巳年所贈相隨十有六稔矣今日視此
雖近邈若河山小春念一日聞訃哭於晉州寓齋詰朝

書諸燈

相對亦已久何堪無此君昔日湘上翠九疑拂層雲今朝
驟風雨枝葉摧紛紛嵇呂旣溘露阮公復飈塵黃壚舊游
地纍纍衰草墳誰憐王處仲感逝心如焚南荒多松柏殊
少檀欒筠墨迹祇數筆長伴幽蘭芬蘭爲子所佩竹爲我
所欣我欲截爲笛淒響不可聞我欲剡爲管誰與定吾文
歇吧北窗下把酒聊自醺

齒落

五十鬢鬢白夷然置衰顏今朝一齒落擊視長嗟歎問君
歎何爲毋乃非蓬觀精金有時蝕石泐逾其堅念自亂時
始斷斷槐市閒行年湧六十食棗恆游戲咀華苦不飽嗒

唾無珍玕不如棄我去明避黃蠶酸更生詎有衙一豁衆
齒寒髮膚本父母無毀良獨難眇茲後起者乃先衆體殘
漱石曾汝礪趨時鈍且頑太剛故必折又聞蟲使刃翻喜
弱舌在能爲百家言故人知我癖書來勸加餐

青青河畔草悼亡兒

青青河畔草奕奕巖下芝結根南澗曲上蔭虬松枝松月
照幽影澗泉清且漪漱石礪芬烈映苔揚葳蕤瓌質頗珍
重秋霜使之萎一萎不復振蘭蕙聞嗟咨容華旣銷歇采
摛徒爾爲碎錦糅朱綠發篋將誰貽春風任澹蕩零露空
前滋賴有徑寸莖鬱勃初猗猗依人憐嫵媚文采安可期
不愁彈鵝炙但惜駿鳥嘶晚歲多睠戀撫景增傷悲悠悠

生死別魂氣竟何之夢中見戚容恍惚陳哀辭夙緣詎未
了無乃泉下癡陳迹已泡沒觸處如游絲行吁坐復歎豈
不希大知齊方以外物滅情吾匪師斜柯語獨影背諼胡
紛披漫然不我答殘卷相與持流觀五君詠遙奠七賢祠
偉哉大小阮風流千古垂

小憩過雲寮感事贈滌齋山人

是誰玉塵談金經浪假清風林下名又託俠義懸青萍欲
傲田文欺田橫意氣相要指天日才華似可凌滄溟一朝
睚眦釁豪末豆肉觴酒相仇傾笑者譎耳怒者情出山泉
濁在山清滌齋山人古逸民枕流蚤濯黃冠纓既不吸風
和露煮白石亦不籠鷲走兔書黃庭畫壁谿巖秘煙霧洞

人并石淹神靈萬錢遺鈔揮不顧百壺佳醞坐常盈
黼黻日出塵物表芳潔本來夙根瑩何必八十一家五千字始
能醜醜沆漉餐霞精

和程霽門感遇四首

戲說程夫子談豪世所稀披肝下車笠憤志託絃徽義士
千金散名山兩屐歸種松今五畝上有鶴南飛

川原匪修阻隔別詎堪論識子獨遲暮盍明俱弟昆顏酣
浩歌起髮禿壯心存驅馬水西出時過屠狗門

一門面街避日接山巾人流水繚然曲漁歌還復鄰院深
遲遇月花僻凍驚春來此契元想焉知懷葛民

常侍清詩滿流光又十年功名了殘卷骨肉追華顛謝傅

庭皆寶劉綱婦亦仙相看小山上桂樹拂高煙

過紹芬亭

路折疑無處軒然拓此亭青山雲空牖夾隴水喧庭林靄
宿殘碧野香浮淺青移情並入勝不獨便居停

過南湖

風正颿輕駛濤翻白似銀天低全在岸地渺絕無垠鷺影
煙中渚漁村世外鄰茲遊頗奇壯把酒盪胸塵

元旦試筆

年華閒處擲物色眼前新今歲此元日我生仍舊人溪山
釣遊花草醉吟春又見東風裏青驄印麴塵

胡轍庵招飲偕友登樓晚眺二首

閑居在自適近市絕塵氛簾漾橘洲浪窗避嶽麓雲微風
漫林際酷暑澹江濱况復騷情共耽幽不覺醺

深樹能成院小園宜傍阿憩陰同倦烏弔古獨高歌亂水
涵江迴層樓晤岫多南湖饒月色入夜更如何

襟期壯未遂貴此達觀情聊爾風塵屈不孤山水清瘦詩
逢買島遷客過荀卿家與漁村接時聞欸乃聲

秋日山居客興呈原吉堂主人

人家錯落不成村自獲新畝自種園林下衣冠多草服山
中雞犬似桃源主賓迭講幽閨好瓜果分投禮俗敦何處
雲溪容買宅杖藜乘趣踏晴暄

養生端合避囂塵始信林棲別有真舊雨乍逢萍水客古

風猶見葛天民欣看野果分童稚偶乞嘉蔬到比鄰松徑
巖扉誰慣賞嘯歌還讓孟山人

上巳雨同友人飲西圃齋頭兼呈賓臣羣從

又是湘臯三月春煙光澹沱為誰新淥波芳草溪邊路細
雨斜風陌上人無限好山俱北郭何妨濁酒出東鄰相猜
曲水諸君詠明月郵筒孰絕倫

和雲巖病中得王氏九還益菊感懷原韻

枉說金丹鍊九還落英惟采雨餘斑溪桃未解言先世宅
柳空憐舞小蠻香國精魂長脈脈蕪園足跡竟閑閑烏衣
一種風流昔又在陶家籬落閒

暮春同稚川郊行聞道過雲門寺小憩

郊外斜陽郭外隄柳花如雪亂粘泥纔離塵市疑林下全
覺春光占水西野艇高浮川漲上村歌近隔樹陰低尋幽
更其出僧話新月嬋娟鳥自啼

秋雨不晴寄璞堂

一枕遊仙夢醒遲滿庭黃葉半簾垂會將流水憐同調祇
覺名山負故知賣賦百金誰取酒借書千卷自成癡秋風
秋雨梵音少漫和貧交老杜詩

重陽雨

人道登高便雅流湘城漫作渡江遊山靈似厭俗塵屐天
雨忽迷峯頂樓幾處黃花耐對酒獨傷白髮鬢增秋豪情
不敢虛佳節還倩新詩互唱酬

眞池幕中答復堂寄懷并詢南園先生家世原韻

壁上雲飛傍馬頭故人應爲夢
刀州箚蘆自雜諸彝部
薑苗能輕千戶侯蒼嶺寒光南
詔雪昆明水色漢時秋
竹枝百首餘三十不及秦淮賦
治遊

哲人風範已茫茫今雨相隨樂
不荒協律詩篇出小杜
瑯琊子弟尙諸王書經接到方
愁別歲遇除時倍憶鄉
一自江潭摧橘柚春寒珍重晚
蘭香

得南園先生墨榻有作

折檻無忘喜起心文貞遺笏主
恩深如公風節同千古
倘爾圖書抵百金裝潢祇應霽
露浣盤擎許作穗雲臨洞庭
燼水搗歸日猶恐能神借不禁

六哀詞和青洋悼亡之作

十五盈盈解事夫參軍新婦慢挪揄桃花不醜雙鏡面零
落芭蕉士女圖

不侍烏衣侍角巾當年物色軼風塵魏公飄泊無家日祇
有憐才執拂人

小字曾聞字佛姑半天花雨佛生初南遷學士隕唐甚猶
夢朝雲誦六如

瓊佩鈿車入杳冥銀河一水碧熒熒天孫儻證三生誓嵩
里秋風怨小星

題馬雅川舍人夢蘭園傳奇

會真新語入詩屏長慶詞人天寶伶二十五弦誇別調隔

汴水春有身
老集百七十四
牆猶有李暮聽

桃花源

世外桑麻物外蹤
煙光雲影一重重
洞門深遠無人叩
絕勝函關百二封

五百年來此舊廬
咸陽宮殿近何如
雖然文物非東國
且喜曾無耕戰書

紅雨紅桃一色新
回溪兩岸草如茵
山中不看高陽歷
知是夫耕婦饁辰

翦韭烹魚日介眉
彬彬禮數出東菑
披圖不事幽風繪
白有無聲七月詩

西不天租戶不屯
姬羸棄土自成村
無緣問訊餐芝客
箇

嶺還能長子孫

從橫家數總成虛
法令何容變古初
種樹有方農有課
也應攜得未焚書

涉園小石山新成

松在當坳竹在灣
竹松疏處見孱顏
爲看匝地青蒼影
坐到夕陽猶未還

和張笠雲悼亡別墓之作

自傷淪落等浮萍
身世悲歡觸緒并
曾泣琵琶衫盡溼
那堪淒絕斷弦聲

香閨碧玉小家女
青塚黔婁貧士妻
一曲巴渝成楚些
空山月下子規啼

偶感

最憾才人嫁厮養生憎商婦訴琵琶木蘭忠孝誰家女萬里從軍替阿爺

聶歲貢汝康 十五首

汝康字迺福自號乃塢湘鄉人嘉慶中貢生有乃塢廬草乃塢居湘鄉安化界為村塾師名不出里巷往歲余兄雲渠先生往來瀉西嘗道出其地憩息楊柳井村塢間有王生者揖而前自稱乃塢弟子以其師詩稿呈閱兄攜歸屬為甄錄畧一披揭榛楛滿眼不復措意比兄病中猶以為言乃藏棄笥中暇時取閱其詩風格不高自爾諧適為刪節

存之不獨使乃塢挂名集中亦以踐吾兄之諾也

秋不雨

秋夜熱如夏欲臥苦薰灼移榻坐中庭更殘威更虐遙見
西北隅金蛇忽騰蹕天鼓壯其聲屏翳布厥幕雷祖恣紛
騰社公爭踴躍谷具迴天力謂可甦民瘼料在指顧間滂
沱滿溝壑忽焉跋扈風劈頭相搏攫大開闔闔門星光四
閃爍竟負鬱積功不能施一勺嗟哉雲雷電合陣本不弱
風以一敵三乃爲風所搏豈真風不仁雲雷甘引卻果有
潤澤心風豈敢爲虐昌黎訟風文可以不必作

里有賀翁夫婦者嘗戲言死必同時勿以殘骸累子
孫果以今年二月初吉同逝亦一奇也詩以紀之

里有賀家翁行年八十四其婦曰曹媪亦八十八歲鳩杖
不在手執鞭不到鼻大椿富閭歷看盡姑與媪嘗言血肉
身本爲易朽器死生亦常理但恐先後異畱此鰥寡軀反
爲兒女累劍化不孤飛蓮萋亦共墜親棹必同舉絞衾必
同製乃以仲春吉忽呼子婦至翁唱媪則隨翁先媪則繼
一笑同所歸遂捐塵世事

蛛網

蜘蛛滿腹絲亦豈不爲美有才不善用徒以濟惡耳以爾
腹中絲充爾腹中倭嗟彼飛動蟲眼光見及幾所過不得
逃甘心愛一死古有王守一見網隨手毀毀網不殺蛛糾
纏禍不已昨見路垂枝網有蜻蜓抵方思李日知此囚求

生理適有樵擔來殆爲天所使一過如裂繒蛛遂窮其技
遁入東薪中暫作冰山倚抱薪當年炊與薪同一爨從前
何所爲悔之已晚矣

愷兒目疾訪醫於婁底大慈林僧疾愈吟贈

碧眼天人眼不肉靈樞經作華嚴讀洞見臟腑之精華不
許人閒棘生日用藥如兵擒蚩尤大霧不能迷涿鹿刮膜
如手鑿混沌白日忽然出陽谷我聞東坡贈王醫去翳有
如拆大屋王醫去翳只用鍼今兼用藥尤神速豚兒暗似
熏馬通走寓慈林計七宿白足曇如送歸來疑第一眼安
陶穀

遊仙女峯

離天尺五處地小只容庵無處求山護將空讓烏探寰區
沈宿霧歸踏破層嵐爲囑東坡老撻雲下蔚藍

野眺兩峯缺處遙見一峯問之云牛心山

兩峯缺處天門闕露出天門山外山孤似從遊人獨後淡
如畫稿墨重刪境非親到眞疑夢峯儻飛來卻復還安得
此身生兩翼牛心炙啖憶童頑

殘雪

一自飛來不夜城爭看粉蝶太嬌生誰知墮地迷銀海無
復翻身上玉京昨夜打窗如有訴今朝流水竟無聲本來
爾自甘拋棄莫怨東風太不情

花癡

自著蒲鞋五十年從無花片上行纏如何穿角王遵業
作飛雲白樂天對客常防偷學樣沾塵亦覺暗生妍繁華
公子休相笑風景何曾裂老顛

秋日登雲麓寺晚眺

自注寺門有萬歷九年所鑄銘
大徑二尺嵌置樹頂相傳爲前

朝飛至俗
名飛來鐘

我亦如鐘挂樹顛凌空飛上寺門前山風欲到松傳話鐵
瓦無椽石補天自注寺瓦
係鐵鑄雲墮遙岑一寸碧水圍荒戍萬
家煙正思好景披圖覽已挂晴嵐落照邊

歸化鄉

馬鬣山高望眼賒紅巖黑箐野人家亂峯峭似登天棧曲
徑奔如赴壑蛇有水便春雲母碓無園不種酪奴茶我看

處處皆詩料安得隨行作八叉

黃櫨塘同李生晚眺

天爲詩人愛晚晴如磨新鏡放光明
淡煙樹影青螺髻殘照山圍赤水城
漸覺逼人衰草色最能留客暮蟬聲
李將軍有描生筆似此秋光畫不成

沅湘耆舊集卷第一百七十五

新化鄧顯鶴湘臯編輯

湘陰左宗植仲基校訂

鄭優貢敦元十首

敦元號琴舟長沙人嘉慶丙子優貢生候選訓導
有占癡齋遺草琴舟以占癡名其齋嘗作癡先生
傳略曰先生楚人也兄弟五人並有學行而癡不
如先生其自負如此詩語多清雋句如風清一城
柝月冷半牀書涼月白在水疏鐘清滿林口氣暄
鴉背冰聲碎馬蹏睛目嫩雲爭岫入淺溪寒水帖
沙流晴澗水溫新洗硯疏櫺風散半殘箋殘陽屋

沅湘耆舊集

卷第一百七十五

角蛛添網細雨泥根燕補巢皆有風致

無題

爲鸞莫爲王子鸞終日驂我歷巘巒爲鶴莫爲羊公鶴以
舞見憐旋見薄生誇鸞鶴本奇姿主人情重冑相隨物爲
人愛不自逞鸞兮鶴兮應未省

海天漫漫神島藏中有奇木材不良春風來似不省識擁
腫拳曲驕秋霜亦如土人太迂俗不解禮節空軒昂吁嗟
此木無人顧空山贏得歲月長

戲贈張麓門中翰

來訪鳳池客依然高士居應門有頑僕入直僦疲驢老屋
半頽瓦小樹都擁書此閒殊不俗爲我煮寒蔬

共說張顛古張顛我見之囊空猶縱酒官暇止吟詩令弟
同爲客新交續舊知長安車馬地幾輩似君癡

戊寅秋臥病都中不應試而歸畱別芷泉弟暨諸同
好

又作擔囊計終軍願已違病奇醫屢誤秋老客思歸行色
衝殘雨緇塵賸故衣弟兄情最重不忍令孤飛

洞庭阻風

風風雨雨滯征航十日程猶在岳陽作客豪情頻中酒近
家歸夢易還鄉魚龍氣壓重湖水鼓角聲寒五夜霜暫喜
知心共酬唱詩成把筆對蒼茫

舟過湘陰

輕舟一葉片帆馳
駘蕩東風上柳枝
列成烽消閒斥候打
魚聲急下鷓鴣惜人離
別江頭雨觸我情懷
客裏詩白注
菊泉以詩示余多楊
離別思家之句 指點雲山行更遠巴陵春酒又盈卮

舟次

南風送客快長征
帆挂曾無盪漿聲
盡日清閑叉手坐
波平不覺是舟行

題畫

細雨斜風二月初
半江紅樹影疏疏
釣船歸去不波晚
小立橋邊喚買魚

碧螺莊書示從弟槐卿

梅子黃時三日雨
榴花紅處一天霞
溪東流水溪西岸
好

是攤書日未斜

周秀才韞祥 三十一首

韞祥字輝玖號石帆湘陰人諸生有石帆遺草湘陰周氏自半帆黜耕兩老先主盟風雅澤從子弟耳濡目染無不言詩者石帆與其弟調臣變祥尤有聲而皆不永年李石梧中丞爲搜其遺草鈔木卽今所傳石帆遺稿玉池山蕪遺稿二集是也

大風發沈沙江口渡屈潭達洞庭讀書山房

長風吹落日閃閃搖江天奔濤挾飛石怒撼聲喧闕輕帆飽十幅迅渡如飛仙上疑鱗青空下疑墜重淵迴波激飛瀑亂落珠光鮮顧視無齊州吐納皆雲煙想見懷沙客賦

志浮湘川豐隆肅羽蓋箕伯揚旌旃蒼兕爭挾持蛟螭競
蟠旋直踐扶桑末橫截崑崙巔湘君降恍惚環珮聲鏗然
我行涉斯險汗漫疑張騫徑達讀書堂繫纜垂楊邊附蹤
託蘅芷古怨懷蘭荃猶疑天上坐目炫銀濤懸澄波極天
淨瀟湖孤月圓

遺懷三首

丈夫志四海舉念關蒼生計身或不足計世殊有羸世情
重顯達必鳴人始驚請看商王傅乃爲胥靡氓

尹不位阿衡沒齒把鋤犁呂不遇鷹揚終身老漁磯上生
有本量豈爲窮達移富貴吾不厭貧賤吾不辭處甘效巢
由出當師皐夔

齊桓任仲父刁方甘隸臺楚懷信上官靈均竄湘班尙節
張衍至右武黃育來主驕忠亦佞主聖奸亦才所以古聖
明慎簡程良材

伏枕日號示諸弟四首

客久世故熟病久道心生我客且久病了了此心明秋高
夜不寐相思多懸情跌牀浪吟哦當作秋蟲鳴

受恩惟恐多施惠惟恐少我無德及人祇覺人情好先施
既已遲圖報須及早後貴期劉殷感慨傷懷抱

希榮不免辱其榮焉足多圖利不免害其利能幾何膏梁
半醜毒芴斑多干戈高翔師冥鴻弋者空嗟跽

責已一何昏責人一何明易地有同情隔膜如層城所以

古君子舉念如衡平愛人有餘惠嫉人無過情

湘竹簫歌

蒼梧日落煙光紫帝子嬋娟泣秋水猩紅血濺竹痕斑
箇玲瓏拖鳳尾阿誰裁作鳳皇簫嗚嗚響徹霜天高離鸞
別鳳不知數夜深吹落寒江湖潛蛟奮鬣踏波舞飛鴻振
翩凌空舉千山萬山黃葉飛一夜羈人淚如雨

登神鼎山

神鼎之山何懸延嵌空秀削生雲煙我乘西風躡雲上蒼
翠照耀衣裳鮮初疑盤紆入深谷但見石隙垂青天漸行
中峯出世界仙人樓閣空中懸前峯嵯峨忽在下後嶺退
伏牛羊眠便疑身在五雲上坐擁太華青花蓮僧言此未

足奇絕徑須直上神峯巔螺旋熊蹲極高望望見洞庭萬
頃之波瀾瀾翻水倒白於練皎若半月銜天邊是時秋高
氣蕭瑟過耳常覺雷霆奔青天隨人作欹側一息恍惚三
千年躡跟剗然試長嘯呼吸直上通天門神之君兮望可
卽鼎湖龍氣騰氤氳便欲因之泛銀漢蒼然翠合巖扉昏
歸來松閒煮白石襟袖吐納皆煙雲此行不異仙飛昇何
必更遇陶真人

夜中不寐起視有懷家兄坦人時館錫水山

翹首望銀漢浩然天氣清繁星當戶爛孤月向人明夜靜
寂無語雁飛時有聲思君隔秋水何以慰離情

幽居

霽色上高閣幽居無限情
鳥音穿樹碎山翠入窗明
况有花香至還聞流水聲
春風余不負鎮日敞柴荆

月夜感賦

深院悄無語高樓恰獨眠
月明秋到枕江濶樹浮天
酣寢憐新僕忘機笑老禪
逃名吾有願歸隱是何年

十六夜舟中小酌

天濶浪花浮西風滿客舟
月明三楚夜人醉九江秋
仙露明詩筆疏星動酒樓
無爲結遙想何地不瀛洲

懷李石梧

斜陽橫古渡新月上南岑
之子杳然去江流空至今
雁聲天外盡秋色望中深
欲詠誰相和空齋理素琴

聽湛晴航彈琴

涼風颯然至有客坐橫琴
流水不知處白雲相與深
高樓凌碧漢餘響徹疏林
坐歎中郎往寥寥天地心

子母城

茂草鞠平蕪荒城落日孤
壤垣嘯碧鶴腥血竄蒼鼯
出沒浮蹤絕縱橫戰骨枯
蟻封空自固悽斷洞庭隅

晚渡汨羅

楚客懷沙去江流萬古存
有人能鼓柁無地爲招魂
亂塚蒼煙合荒祠落日昏
濯纓橋畔路悽絕夜嘯猿

登騷壇

一卷離騷萬古心千秋壇坵
此登臨江聲北控荆門吐雲

氣西連峽口深三楚興亡空慨歎九歌哀怨未銷沈我來
欲續滄浪詠坐對煙波思不禁

過古羅故城

彭水當年楚涉師三巡軍數已先知莫敖剛徃蒲騷役鄧
陵空傳伯比辭一戰直據鄧國憤兩軍能振絞人危而今
敵怨全消歎故壘蕭蕭蔓芷離

再登岳陽樓

馬首初銷客路塵高樓重泛洞庭春題詩孟浩無舟楫作
記希文信古人九派風濤覽醉眼百年天地苦吟身希聲
鐵鑿憑誰弄莫道黃粱夢太真

濯纓橋

雲入滄浪一片陰
濯纓人去水沈沈
大江寂寞空天地
危石蒼涼動古今
鼓枻好歌漁父曲
隨流殊愧大夫心
彈冠我恰當新沐
愁對煙波落照深

獨醒亭

蒼然暮色黯孤亭
呵壁荒唐問杳冥
國破已知人盡醉
魂歸何忍獨爲醒
秦關地迴霜華白
楚澤天低塞草青
遺憾大江流不盡
糟隄吾欲築滄溟

八景樓懷古

百尺闌干落洞庭
九疑雲氣渺湘靈
晴帆雪捲平沙白
千市煙開古寺青
天半雁聲催暮雨
夜中漁火亂春星
昔人詞賦今誰是
賸水殘山此度經

星沙月夜晤義甯陳子

一別三千里相逢十二年
長沙今夜月應爲兩人圓

秋夜雨

滴破空階憾梧桐葉已知
那堪茅店裏鄉夢獨醒時

春晚

深院鎖梨花幽香散林樾
美人期不來獨坐黃昏月

竹枝詞

送郎遙過綠楊洲三十六灣
秋水流願得人心似流水

鷓鴣一曲一回頭

江上聞雁懷五弟
惠臣時客洞庭錫水

萬里風遙落木初淡雲微
雨秋花疏雁聲依約衡陽浦不

見西來一紙書

自長沙歸湘陰舟中口號二首

乘風直下楚江隈
瑟瑟蘆花兩岸開
轉盡湘灣三十六
好山無數入船來

楊柳青青夾古隄
幾家茅屋望中低
輕帆葉葉隨風轉
直到城南日已西

周秀才系棠

九首

系棠字伯蔭
湘潭人廩生
石芳侍郎從兄
其子貽鷗奉其遺詩
求選爲錄數首

昭君怨

將妾比黃金
黃金不如妾
蠶工愛黃金
妾顏等敗葉
君王

信盡工迢迢事遠涉含悽出宮門塵沙黥寶曆祇箇青
草萬古封馬鬣

山農哭

茅堂四壁不蔽雨蠶箔蜂房走田鼠新婦銅釵換米炊縣
隸苦噉飯熟遲去年人客留我屋人有盤殮馬有粟今年
客至坐雞栖不聞雞哺聞兒唳阿翁有家不得住身帶桁
楊縣西去

山行

霜徑入岩堯寒煙鎖斷橋碎泉穿石罅老樹觸山腰枝亞
鳥巢穩林深虎氣驕一鞭乘曉霧未覺客程遙

春居雜興六首

爲愛幽棲迥非徒絕俗氛
山青昨夜雨巖白偶晴雲
新水緣厨接名香近佛分
靜觀聊自得此外欲何云

地以僻而勝情因境卽移
林齋都入畫登眺頓成癡
好夢山房早春風曲湖遲
預培籓下菊秋月得追隨

養拙南山下未須棄不才
木松皆可飽離薜儘堪栽
童子梯雲去老僧披月回
春光已過半晴雨渾難猜

邱壑無多地風光到處宜
前人披草萊我輩得棲遲
古柏參天秀野花向日姿
山靈趣領略相與發幽奇

抱膝寒巖坐良朋幾箇來
門從侵蚤閉鐘傍夕陽開
白日筵窗竹清泉漱石苔
松濤濃欲滴何處接塵埃

玩世吾何敢幽懷亦灑然
浩歌酬絕壑細酌饗殘編
綠樹

雲拖碧新花月帶妍此閒難得其故任我周旋

吳秀才瑩八首

瑩字玉叔長沙人諸生玉叔負才不偶又遭家難
僚侘以終身後同人鑲金刊其遺詩爲瓊仙遺稿

四卷

秋暮偕辛階湘橈家春帆弟登麓山絕頂歸途率賦
晨興忽清發呼朋翠榭遊因尋麓山寺重過水西樓風葉
似作雨野花相對秋七年昨日耳渾忘此山陬

猶是昔年寺相將入舊楹僧應悲過客佛總說無生萬事
不如酒卅年空復情數聲山下磬落日已西橫

振臂陟峯頂湘流渺一溪林幽知徑曲身瘦覺山低雞犬

游州... 卷第一... 五
年來結習與僧緣越海閩山快拍肩豈料都官歸故國更
逢齊已在湖天蒲團一飯屋中偈石上三生覺後禪我向
如來訊來意飛花故落法筵前

草榻依依亦舊因况兼詩思更清新蕉花性冷孖孤味迦
葉風高墮此身往事休從銅鉢叩閒情應共碧山親菩提
非樹君知否好向曹溪細問津

書感次次亨韻

粵海閩山萬里遊狂吟空羨錦囊收百年身世同蠅集卅
載年華付水流瘴嶺孤雲天際夢荒齋夜雨客中秋雙瞳
不信人如豆肯放坡仙出一頭

沈秀才清鑑三首

清鑑字湘谷善化人諸生有茗香閣草湘谷有清
才四齡隨其祖雪友處士讀善谷山之麓雪友固
一時名宿絕鍾愛之因字之曰湘谷年逾三十以
羸疾卒未竟所學可惋也

秋夜遣懷

前身合住大羅天墮落人間三十年冉冉浮生真若夢明
明心跡可通禪淒涼黃菊疏籬外搖落丹楓小院前悟得
榮枯本無定挑鐙重讀養生篇

漫興

小窗閑坐靜無譁鑪裊香煙鼎沸茶嫋嫋秋風催落葉瀟
瀟暮雨蹴飛花偶思白兔輪靈藥無復青蛇識舊家縱使

步清... 身多... 一... 一... 一...
相如能獻賦梁園賓客久咨嗟

憶菊寄徐信泉

西風兩度過重陽不見園林秋色黃
料得花身如我瘦猶留標格傲清霜

吳布衣偉熊

六首

偉熊字渭占長沙人有隨意小草渭占名家子
早歲隨其大父炯官粵東諸姑羣從一門皆能詩
渭占濡染久不事雕鐫矢口而吟語自妥適集名隨
意殆以此也

雨夜

一夜天涯雨高齋聽欲驚
寒風欺燕竹落葉老秋聲
擾擾

家常事紛紛世俗情挑鐙眠又起兀坐數殘更

夜坐

作客無聊甚寒瑟然自悲浮生知幾許世事渺無涯牢落人千里飄零酒一卮欲眠眠不穩坐到五更時

秋日書懷

邊地多鴻雁今春片羽無晨昏千里隔霜雪一身孤彈鋏心良苦吹簫計已愚淒涼家八口何處覓錙銖
歷盡險夷境空驚歲月忙貧非原憲病哭柰阮生狂白髮人垂老黃花徑欲荒邊城秋又暮何計束歸裝

書感

世事寧徒計眼前匆匆歲月竟誰憐潭陽春雪侵吟鬢閩

沈沈耆舊身以著第百七十五
海淒風滯客船黯淡青衫餘老淚飄搖白屋斷炊烟天涯
更有傷心處寂寞羈魂路幾千
二

甲申趙城中秋前二日

有約登臨上翠微我來初叩此禪扉千山落日沈幽壑一
派寒光照客衣樹是經霜都漸老雲思爲雨不空歸同人
笑看僧閒處好向青霄悟靜機

黃州者舊集卷第一百七十六

新化鄧顯鶴湘臯編輯

湘陰左宗植仲基校訂

鄧秀才鵬齡三十九首

鵬齡字息六湘鄉人廩生有秋樵遺草秋樵有丙
行年二十喪母廬墓山椒夜大風雨壞其廬一僕
倉黃負之出得不死人以爲孝感余曾因其兄鐵
松識之於長沙不知其爲詩人也頃鐵松以其遺
稿來求入者舊集且云其弟臨危時別無他屬惟
待此以瞑目也余感其意爲多錄數首

晉徵士

歸舊廬一樽酒閉柴門五株柳酒酣一枕羲皇前柳陰不
滅義熙年不似華陽誇服餌山中預人家國事援引圖讖
成梁字

佛狸來

佛狸來人貫槊佛狸歸燕巢木千里淮南寸草無何須更
問狼居胥瓜步城邊造筏急萬馬飲江江水立斑虎死彭
城囚當時誰殺檀江州哀歌怕聽白符鳩

愍孫怨

嗟汝儉受予知清襟曾汝照歲暮是汝期咄汝淵與予洽
黃襪著汝身班劍酬汝績一朝讖兆刈金刀奪人社稷換蟬
貂獨憐九原見明帝南康想用腰扇遮荒殺南昌解散髮

奉體熱

烏南陽一手熱爲雍州一脾熱爲開府半身熱今無故通
體熱敬兒信夢自殺身趾離但不欺權臣我夢得官是何
人

分母痛

兄病醒泣稽顙母病心指拍掌憂兄醒兮竊兄權分母痛
兮違母言殘母骨肉戕母孫母心痛否兒難分

紇干雀

惡鳥飛飛金屋啄長安城上烏聲樂直將百鳥之鳳皇化
作被凍山頭雀山頭雀畏烽煙栖身無處求安全魯國童
子歌鸚鵡蜀道幽人泣杜鵑巢旣傾卵亦毀九曲池中滿

池水不聞鶴禁輝重光坐見鸞生暇九子吁嗟乎高秋鷹
隼久無人六合梟鸞何由分雀兮雀兮若飛去晉陽猶有
鷓鴣兒軍

望昭陵

望昭陵心最苦不見塚中人但見一邱土昭陵自與獻陵
殊離宮未聞有諫書徒割昭陵愛獨於獻陵奚裨乎噫吁
嘻臣道妻道同一轍外文貞內文德良妻益家相益國此
時毀觀雙淚垂他年爲爾踏其碑

藍面鬼

六郎蓮花面猶畏狄梁公獍惡藍面鬼乃書顏文忠文忠
忠義貫金石奮不顧身志殉國少時曾拒阿犂山老去竟

陷李希烈咄哉藍面鬼險於赤心賊

齋中雜興和東坡岐亭韻

烈日爍堅金鍛鍊欲流汗柱礎知雨來吐汗生微溼齋中
暑氣蒸團扇拋不得攤書雅睡短澆花清課急攢膚利憎
蚊浴水涼羨鴨茅屋斜曦射繩牀沙幬幕風掃宵露乾晴
久暮雲赤晚煙抹山腰一束吳綾白我時臨池坐散髮無
巾幘引風幽篁嘯得火茶鐺泣新泉穿石罅低桑蔭牆缺
貧賤安田園不羨簪纓客衣冠事揖讓流汗如雨集

丹鴻生髮中監腦吸其汁漫膚欠沐澡入水不沾溼我生
本疏慵嘯歌聊自得願效稽康達不學王思急視荒水竭
蟾煙消香冷鴨室中徽氣蒸案上積塵幕晨涼最貪睡帳

射日輪赤古琴鞠通響殘書蠹魚白經旬常臥病迎賓懶
帶幘酒醒次公狂途窮步兵泣圖書不妨壓薪水不妨缺
茅齋無氛垢中有談名客俗情無由萌望古方遙集

蝸牛生壞牆蒼蠅死肉汁蟻移新穴乾燕補舊巢溼萬物
含元化靜觀皆自得近秋候蟲催趁晚飢蚊急擇林喧栖
鳥分隊鬧歸鳴幽花蜂股帶病葉蛛絲羃雲幻螺髻青霞
散魚尾赤螢火一星紅鴉翎雙月白意而亦有翦升卿亦
有曠蛩鳴懶婦驚蟬嘶怨女泣予翼足須雨予角齒須缺
物理本自然難逢博物客閒觀爾雅註蟲魚費編集
白楊斲爲几呼匠加漆汁納頭一呵氣几上浮微溼置此
小閣中安排頗自得朋來正及時沾潤童僕急竹杯浮綠

蟻金葉烹野鴨劉鋪身邊隨畢巾頭上羈陶然一大醉衰
顏得微赤醒時坐忘機默觀鼻端白閉戶塵撲襟掀簾鉤
挂幘吟風鐵馬語垂淚銀蠟泣古硯凹多深殘帖字半缺
長物齋中無差免來俗客談笑企鴻儒一室千古集

釜底燒生薪杳然心吐汁水氣忽迷漫薪溼煙亦溼欲折
枝頭乾悵望不可得日晡遲晚飯待哺兒女急樹柵護鳴
雞編籬閉闕鴨饌須廚箠扇瓜須織絺幕斜陽暝更甚光
射樹梢赤花磁貯海紅簷牙晒檣白嶺雲被紫帽有似人
戴幘笛作山陽悲瑟動雍門泣風入竹徑涼月印簷牙缺
百年真逆旅住世如作客事事愧無成撫心萬慮集

舟行

綠漲沄沄瀉扁舟緩緩過橫波時齧岸斷港半通河水闊
魚鰕聚風腥雁鷺多石尤連夜急吹送雨滂沱

江上

落日古牆隈霜風暮色催水迴雙湖落雲擁萬峯來江上
秋砧急城邊畫角哀故園今久別聞此一徘徊

詠物詩

不隔爐煙祇隔氛斜斜湘竹水或紋常垂香寢陪閒吏慣
隱紅粧是此君輾玉半鉤邀偃月疑城一道擁凝雲絕憐
風動微開處曾見桃花酒半醺簾

當空寒月靜無埃出水芙蓉澱澁閱世上儘多不平事此
身生就報恩才荒邱夜雨蛸螻哭大澤秋風鬼母哀便使

沈埋千萬載精光猶射斗牛回 劍

長門鎖日掩葳蕤偶爲東風動繡帷檢汝勲名司出納傍
誰門戶費維持畫樓寂寂人聲靜小院沈沈日影遲瞥見
橫陳金屈戌和煙深鎖綠楊時 鍾

不須冉冉駕黃琅何必繁華號七香長路崎嶇資汝力一
生奔走爲人忙橫流滄海王尼歎痛哭窮途阮籍狂消盡
輪蹄歸未得年年翹首白雲鄉 車

生平對酒便高歌其奈碧筒杯小何笑我包容常不淺憐
渠受用太無多鏤成長柄鸕鷀杓製就灣環鸚鵡螺更釀
葡萄三萬斛愁中歲月醉中過 杯

秋雨霽登樓

茅簷初挂月如鉤
眼底濃雲漸漸收
微雨作泥雙屐滑
嚴霜落瓦萬家秋
亂山暝色連荒野
古木寒聲上小樓
濁酒一杯聊自慰
風吹短鬢不勝愁

蘆花被

荻花未落蘆花稠
掇取寒光臥榻收
晚晒怕粘雙鬢老
夜涼待裹一身秋
困眠草澤孤如雁
高枕滄江懶似鷗
最是詩人吟倦後
終宵夢入白蘋洲

閒興

年來事事愧無成
聊託疏慵過此生
醉後狂言多感慨
夢中得句欠分明
清談久許王夷甫
嗜酒終輸阮步兵
管傍人怕手笑俗情
原不似閒情

舟中雜憶古人

寄奴王者是真龍，微賤行蹤類沛公。
澤畔斬蛇江畔射，劉家天子兩英雄。

上壽何來酒滿罍，醬人狗子太無情。
六通爭比維摩福，文吏從容過一生。

奉釋空占乙卯夢，談冬不止戊申戈。
冥情老子無情佛，孤負君家父子多。

阜莢依然有子孫，金輪舊已據乾坤。
三郎不記前朝事，鸚鵡楊花迭受恩。

手把菱花仔細看，身長欲比面長難。
生平謀國無他計，只勸稱兒事契丹。

王師十萬渡浮橋漲瀉黃花漸漸消卻笑陽侯趨勢利他時又斷浙江潮

黃袍被體入周都償得生平大志無不似關西銅馬帝初心原止在金吾

輕裝一束溟漚漚長別金陵不復還青峭數峯無限好消魂合唱念家山

親受靈符詣玉清天書雲篆字分明神霄宮殿平生願償爾穹廡五國城

翠落春深草長遲梨花寒食雨絲絲厚陵麥飯無人奉長憶當年社飯時

雪霽冰天道路長銷金鍋子戀錢塘可憐點點龍衫血秣

博康王淚數行

桓桓小校一孤臣揮劍流光照老秦擬向岳王宮殿上黃
金鑄箇姓施人

遊仙

使者緋衣金殿來修文有詔手中閒如何天上玉樓記不
倩仙才倩鬼才

春柳

濃粧舊賦怨封侯無奈青青裊陌頭如此韶光如此樹有
人惆悵在高樓

與歌者

聽唱當初絕妙辭朱門日影下遲遲浮萍柳絮渾無主分

付東君好護持

紫玉簪篸碧玉簫花閒試唱董嬌嬌關心三五月明夜曲
半闌時酒半消

熊國子化龍 八首

化龍字笏山湘陰人監生有白湖詩草

自嘲

菽水奉高堂板輿奉空谷風雨聲瀟瀟無煩抱樹哭不種
青門瓜不栽彭澤菊終日閉柴關笑展殘書讀

范叔無此貧積康無此懶不掩霍王長不用李諧短伏處
十年餘性情成迂緩妻孥索米鹽一笑吾不管

菴石山

磊落恣游覽蜿蜒盤洞庭此身無地立舉眼但天青陰洞
鬼時見懸崖泉倒聽煙波八百里落日杳蒼冥

江關

雄關何處所展眺夕陽收山走荆襄險濤迴天地秋帆檣
趨漢口城郭枕江頭官鼓僧鐘急風煙起暮愁

一覽亭

乾坤歸一覽倚檻武昌城雲樹邊關冷風濤晝夜聲英雄
空萬古歌哭信餘生獨酌斜陽裏銷磨不世情

黃昏

蘆簾閒捲坐風雨逼黃昏雲樹低連屋江煙羃到門鳥聲
枯絕墜花影爛荒村無限傷春意憑誰一酌樽

蘆花

淅涼風露正黃昏
瑟瑟荒寒老樹村
莫爲寒衣憐子女
難縫大被蓋乾坤
江山粉飾宜圖畫
世事瀾翻費討論
欲訪狂奴何處所
兩三間屋認柴門

湘中偶成

秋風吹送洞庭船
衰柳低垂幾尺煙
獨倚篷窗聽木落
瀟湘夜雨不禁眠

周布衣倬祥一首

倬祥字卿伯一字倬人湘陰人有曇花文集年二十卒

鳳皇臺

朝登磊石頂，暮上鳳皇臺。日落愁猿泣，天空野鶴哀。
軒窗不復返，靈鳥何時來。遺蹟空蕭索，臨風漫舉杯。

許處士岳南

三首

岳南字杜峯，湘陰人。有鳳皇山樵詩草。

野望

西風吹落葉，獨自下窗前。犬吠籬邊影，鴉棲樹杪煙。
水清能數石，山遠似浮天。癡立柴門久，看人繫釣船。

客至夜話別後卻寄

連日愁風雨，柴扉久未開。偶尋芳草去，恰喜故人來。
春色留花徑，離懷入酒杯。清談燒燭短，忘卻暮鐘催。

晚歸乘月訪友

斜日漸西沈秋風急暮碁岸停將渡客山噪欲棲禽隔浦
漁歌遠前村月色深不辭流戀人沿路訪知音

馮開雲 五首

開雲字嗣韓號守園湘潭人武生守園隸學官未
審何時大約乾嘉朝人也今附存此卷之末云後
彷彿此

春雪次周仁田韻

林花擬倩曉風開好送餘寒付酒盃何意陽春聯白雪亂
拋珠玉慢金苔柳煙未暖驚飄絮蝶粉何乾送蘸梅一自
尖又酬唱後幾回凝思憶從來

懷謝恭仁不至

歷秋無雨又冬深歎息難消遣
慮侵折簡曾傳雞黍約披
雲空聽雁鴻音就流波飲思泉淨息影休形藉樾陰新釀
舊醅貯已綠何時一醉共談心

無題

甘心無事合孤棲日日高樓坐
息機爽氣襲人來嶽色清
音歷耳恰鶯囀思之爛熟全無味
任自餽塗總不癡漫意
鍾情情盡地都堪一笑付筌蹠

感事

是誰撞壞好家居莫怪纖兒計
自疏風雨不妨新戶牖豺
狼難襲舊門閭黃襪乍遠驕
無賴丹粉初勻豔不如寂坐
窮簷傷往事幾回鋒鏑任前驅

答少年

寶劍千金值不堪持贈君呼盧輕百萬豪俠總空聞

馮植標 六首

植標字瑞綵號錦軒湘潭人年十四卒

龍王廟古碑

龍王有古廟曉霞山谷邊廟中有斷碑剝蝕莓苔鮮鳥跡
蟲書滿古字不知年

石崖

空洞屋一間行雲日往還從來僧不占夜月無門關

春柳

和風吹暖嫩晴天淺綠輕黃分外妍幾日渡頭纔拂水經

初陌上已含煙陽關別路知何處青眼看人又一年願得
東君恩寵渥依依常帶露華鮮

和煙和雨萬千條鎖日春風鎖日搖落絮暗隨金勒馬飛
花亂擁赤闌橋憐他子夜拋紅淚愛爾前溪舞細腰贏得
新粧誇秀色八分眉黛盡堪描

鏡中欄檻畫中村昔日章臺莫更論三月繁華遊子夢六
朝金翠美人魂呢喃燕語紅泥閣況院鶯囀白板門爲報
東皇行近遠春旗一色綠無痕

嫩於碧玉軟於絲半拂高樓半拂池大尉營中新婀娜靈
和殿裏舊丰姿銷魂羌笛飛聲日彈指春衫染汁時我願
金衣學公子托身常在最高枝

步洲者書身
章繪儀 一首

繪儀字素庵湘潭人年十二隸於學未幾卒

荷花生日詩

九歲作

記就瑯玕奉壽卮錦雲重匝水仙祠紅裳競舞長生曲碧
藕能搓續命絲少女青蘋微弄影美人明鏡欲分姿九華
新熟黃梁醞齊駕琳宮五色螭

白鳳玉 一首

鳳玉武陵人

夜夢鼎南先生詩以哭之

案武陵姚定益有鼎南詩草應卽其人也

塊欄澆頻借酒盃何緣仙籍戀蓬萊滄山未買藏書塢黃

石空階避債臺

自注黃石港先生結社處

元箸超超驚一舉晚香滄滄

厭重開爾來秀髻披影笑天鳳池遊夜宴回

自注先生昔年夢遊至此

處傍口人以此也

伍班端一首

班端武陵人

湖上憶許雲麓

寒山寺外虎山橋湖上閒吟景寂寥相葉戰風秋作雨蘆
花吹雪暮生潮吳天楚水音書遠畫舫青鸞別路遙猶憶
三春同載酒依依綠柳暗魂銷

那藻一首

藻武陵人

秋杪再遊東山寺

不到東山幾歲餘今來景物亦蕭疏山房落葉全遮瓦石
澗流泉直到厨眼底煙雲千里盡上方星斗半窗虛年來
此日喧騰甚誰信金仙本寂如

余演 一首

演武陵人

閒居

年來不道更爲家老去從教任物華檻外山容常領略眼
前詩句好梳爬曾無李守洲邊橘尙有秦人洞口花寄謝
青衫白司馬謾從江上聽琵琶

梅澗 一首

澗武陵人

黃溪隄柱上偶題

迎眸隄畔白鷗眠
穉稻登場又一年
疲馬解嘶秋草路
西風淨掃碧雲天
沿溪帆度疏杯外
隔岸人歸淺水邊
更喜漁歌聲所續
此生合住剡川前

案已上自馮開雲以下時代字履俱未詳因雜錄是卷之末開雲以武生馮植標章繪儀二人以早卒故收錄稍寬

沈湘音韻集卷第一百七十六終

沈湘音韻集卷第一百七十六終

沅湘耆舊集卷第一百七十七

新化鄧顯鶴湘臯編輯

湘陰左宗植仲基校訂

潘茂貢其炯 五首

其炯字曦亭湘潭人貢生有曦亭遺草集中有簡黃一櫓和劉梅垞詩其得貢之年當在乾隆中采到其詩甚遲故編次較後云

過林磐安不值

巷居如魚鱗密比無斷續庭戶都相似頻來亦躑躅認取籬上花乃得幽人屋幽人亦何往欲訊無僮僕益魚玳瑁殷砌草萑蒲綠絲几鏡新磨身籤手未觸四隣足黃埃一

室潔如沐始至若有失坐久愜心目何須見主人幽賞亦云足

豔火行 有序

演劇非淳樸風也至鄙陋如所謂目蓮則更惑人心矣顧曲非閩閩事也至相逐而極於曠野則益乖風化矣楚俗昔旣信鬼湘人今復善謳合鬼與謳而一之於是目蓮觀音之雜劇出焉此其老少奔波男女雜還傷風敗俗舉國欲狂者數十年於茲矣己巳秋演目蓮於城東之石牛鋪綵樓高結俯臨人海粉白黛綠垂簾而聚觀者不下千人因不戒於火燬焉當是時闐幃弱質盡顛倒於濃煙烈焰之中市井狂童竟狎侮於白日青天

之下其折肢體焦髮膚棄其釵釧裂其衣裳不知凡幾
有慙而自經者焉嗚乎樂不可極樂極生哀欲不可縱
縱欲成災豈獨爲有天下者之規箴也乎友人作詩
紀其事者而題不雅馴余以爲佳人曾沐名曰香溪狂
客所燒呼爲妖燭是火也得不謂之豔火與因作豔火
行和之以爲閨秀觀場者之鑑

湘山蒼蒼湘水綠湘潭女兒美如玉繡戶紅窗深護持十
里長衢列華屋瀏陽女兒解績麻安化女兒能採茶獨有
湘潭無所事指爪纖纖但繡花一日繡花三日坐三日繡
花纔一朵何處絃歌咽畫樓金鍼拋卻心如火况復希奇
如目蓮頓使幽冥在眼前剛又劈面信手擲頽然之鬼冠

觸天張家阿姊笑相逐李氏諸姨復勸駕明朝早起但梳
頭翠鈿金鬢都許借崇臺連延人海旁駢肩爭上如驅羊
疏簾欹側半遮掩高髻弓鞵那復藏謹厚誰爲柳士師狂
蕩都如杜牧之蒼鷲參軍都不問偷眼惟知彼孟姬祝融
驟見赫然怒卽遣飛廉作前部須臾燭龍含火來一掃妖
氛與治霧麗華焉得咎井避綠珠紛向樓頭墜黃塵撲面
紅粉消頰刻姬姜化樵悴來時楚楚好裳衣慚愧焦頭爛
額歸來歲月蓮還救母紅糝慎勿出深閨

蓮還救母紅糝慎勿出深閨

案已上二詩亦見胡本孝淵集孝淵詩已不入一
百一卷茲續得胡潘二人合鈔殘缺寫本編次附
外選概列入

戲亭卷云

觀漲

何須畫舫泛夷猶咫尺西湖汗漫遊
成隊魚鳧穿樹杪幾
家嬌小望樓頭煙波淡遠凝清眺
禾黍高低失綠疇太息
沿溪成澤國那堪陸地竟行舟

和劉梅垞侍御枕江樓韻

老歸林下氣橫秋後樂曾先天下
憂萬里丹城雙鳳闕百
年生事一山樓煙雲滿眼自朝暮
鷗鷺無心紛去留翠壁
清泉擬箕穎巢由而外許誰遊

越水吳山盡美莊自注先生曾典試兩省
棲遲衡泌見昂藏早滋桃

李天邊豔晚傍松筠宅畔芳洛社才名同白傅瀛洲令子

是黃香自注先生遭貶後嗣君入翰林上疏請代特蒙恩詔放還
登樓若更探奇句

多恐驪珠讓小郎

楊秀才雲路 一首

雲路字伯卿長沙人諸生性狷介家貧以經藝教
授里中同縣刑部主事饒先睿思泉萬安令魏細
芸軒皆其弟子也有詩十餘卷芸軒攜之官將謀
餒木未果今無存者僅得古詩一首

和孟東野旅次湘沅有懷靈均原韻

江山開詞賦文運丁中途古人去已遠曠覽獨踟躕棲
溧陽尉落落貧賤驅危詞出糠粃苦語硬顛愚南來入湘
沅悲歌楚先儒念茲風雅才而履世崎嶇志潔行既芳立
言皆前模山川清淑氣秀鬱挺碩夫沅芷與澧蘭芳香冰

不枯文章豈不貴區區官左徒讒言易以入患恟不得輸
自謂楚同姓休戚身與俱所以戀宗邦志與他人殊澤畔
自行吟憔悴志不渝瑾瑜無瑕疵圭璋重廉隅至今汨羅
江月光寰區懷古覽遺蹟旅况興不孤鴻篇續騷經文
垂志以敷浩浩湘沅流騷壇屹今吾直令配六經奚止傳
書圖

張歲貢永祥一首

永祥安化人貢生

黃梅寺

古寺黃梅地儘奇一溪環繞自漣漪參差竹色排雲影狎
獵松髯帶雨絲風急空山猿嘯早月明清夜鶴歸遲老僧

到處傳衣鉢，卻笑蜉蝣人不知。

楊處士秉謙 八首

秉謙字益齋，湘潭人。見縣志淳行傳。

待月

深夜坐花陰，花香暗襲襟。開簾佇涼月，按節撫瑤琴。薄霧捲庭樹，清風生竹林。徘徊望空際，已上碧雲岑。

題湯清溪詩集

高樓駕黃鶴，飛過洞庭來。長笛一聲起，白雲千頃開。遊蹤衡嶽上，吟思楚江隈。何日共歸棹，期君聽落梅。

題徐輔臣四時行看卷子

昨夜前溪岸，垂楊滿地陰。綠添春雨重，青入曉煙深。乳燕

逗清影流鶯喧好音幽人寄幽興暇日此鳴琴
深林最深處一碧滌炎氛望隔塵千尺居鄰水二分微暄
雜晴籟涼影蔭停雲我亦披圖坐頻思話此君

兩地石闌畔苔深秋樹根畫圖足清曠一卷課兒孫雲影
晴鋪地濤聲日在門松花滿樽綠清興更堪論

朔風忽凌厲急雪轉霏微此老自清興扁舟橫釣磯澄澗
魚不躍何處鶴初飛一白江天晚身從畫裏歸

贈瑞曇上人

萬壑煙花一徑幽筇屨筇杖舊悠游榻來桐葉聲巾雨話
到寒山寺裏秋檻外白雲常入夢定中明月正當頭幾時
共攬茅龕勝更看春泉碧玉流

贈胡紫雲

望雲忽動思親念一棹匆匆去肯遲
千尺綠生湘浦水三
榭青到故園芝樹萱庭院春風樂
夢草池塘夜雨詩我亦
攜樽走相送旗亭垂柳望依依

王廩貢昂一首

昂字曉涵安化人廩貢生

贈舞庭翁

之子真奇特蕭然寄趣清
敦龐多古意慷慨見平生
自足田園樂都忘世俗情
紛紛塵外事一笑濯吾纓

陶秀才任一首

任字純夫安化人諸生

仙遊自賦

何用浮名絆此身
梅山深處結芳鄰
宅邊五柳籬邊菊
都倩先生作主人

袁縣丞遇春 一首

遇春字錦堂號遇坡湘潭人官安徽盱眙縣丞著
有只可吟

題邳州旅壁

匹馬嚴程戴曉星
村墟歷歷到亭河
聲夜逼孤城黑
山色朝迎萬木青
舟楫同心期共濟
自注時奉嚴檄公幹
酒杯在手待誰醒
年來薄宦浮沈久
蹤跡依然類轉萍

袁大使士元 二首

士元字非才號津門湘潭人官浙江甬東場許村
場鹽課大使著有傍湖草堂詩鈔

唐興寺懷古

石塔屹然立當門
揖錦灣四圍雲裏樹
一桁雨中山興廢
閱唐晉登臨時往還
緬懷褚諫議遺墨在人閒

武陵畱別湘南

南轅北轍計何從
回首當時意氣雄
塞上不妨愁失馬
弋人猶自慕飛鴻
補天有術唯須石
破陣無他祇藉風
一曲
騷歌一慷慨
片帆瞬息到湘東

王處士禮湘二首

禮湘字名上號雲巖安化人

贈別二首

聞說仙人黃鶴樓五年江上賦纏舟梅花曲盡青山老鸚
鵡才空碧水流滿榻聞雲歌歷歷一竿明月釣悠悠何緣
遠別晴川客偏喜重逢話舊游

百花潭上雪花飛霜葉滿船人北歸無地可能延孺子幾
年還復晤元暉春風畫舫浮仙蓋秋月華堂照綵衣料得
趨庭約羣從扁舟同指漢陽磯

袁處士士濤一首

士濤字湘南號史波湘潭人有湘南詩草

義井

自注在浙東寧海縣署右明方正
學先生問家八十三人殉難處

君出亡臣死節一家長幼寃誰雪一臣死十族滅八十三

人同一穴骷髏觸處皆忠烈黃泉有血今猶熱

殷歲貢自新一首

自新湘潭人貢生與卷首潘其炳張永祥得貢年
分均失考當是乾隆中人一例補錄於此

嶽麓寺

雲擁樓臺石作梯尋幽何惜費攀躋翠微蘭谷藏僧老迴
台松關過客迷畫壁光生青嶂曉書堂聲徹梵音齊年來
霧隱南山下結伴何如嘯虎溪

王處士世特二首

世特字卓溪湘潭人有率性草

山莊卽事

謀生多古拙入世少逢迎釀酒期千日藏書抵百城步隨
三徑曲居占一溪清何處發深省疏鐘雲外聲

秋興

簌簌鳴寒葉空齋思悄然悲秋盞下客愁坐夜如年

何秀才錦衣十一首

錦衣字尙綱一字子春邵陽人諸生有春堂詩草

伏處窮鄉恭聞邑侯張晴崖先生調任澧州感時書

事不能無言作一詩示里中諸父老不必令侯見也

好月欲常滿好春欲常住莫嗤此意殊大奢此意胸中人
人具公昨祖道郊關時我居僻壤杳莫知但聞十室九太
息街談輟議皆去思憶昔旃蒙協洽歲邵民苦遭旱魃厲

朝餐草根夕樹皮苦海立望慈航濟竹馬迎得林公來民
物剛剛登春臺瘡痍未復巫陽召風酸雨苦萬民哀朱門
白屋皆揮涕我於當時早默計不哭英魂不可招只哭此
官後難繼天憐邵民劇艱幸福星飛下資江濱清光遠澈
雙江月和氣嘯回六嶺春夫彘逆豨逞不軌昭陵之地隔
天咫尺大兵雲集斗大城旗纛飛揚巖壁壘軍械芻糧計鉅
萬挽輸供張麻沸起胥吏持籌唱柰何僚屬仰首瞪目視
我公才非百里倫理煩治劇動如神手揮利器素然解匪
知錯節與盤根吏胥不打門民胥不知兵大府競稱先生
而不名人謂公家治縣原有譜如公奚止能按武我疑相
輒終非鳳皇棲矯矯雲路果高飛吁嗟乎昔年張死別今

日悵生離死者長已矣生者尙可期太清之山蘭之江彼
美人兮天一方安得春風重拂名公棠屈公作郡來邊疆

俾吾儕小人重見天日躋公堂

案林君名聯佳字辛山粵人張君名迎煦字晴崖
浙人二君皆官湖南林由新化調邵陽未久卒於
任張今官臨藍同知二君皆與余善張之循聲善
政尤多其在邵陽伯新寧嶺藍沅曠之變大兵集
境左右支掣措理裕如誠有如此詩所云吏兮不
打門民兮不知兵者今張君去邵甫七年而武岡
又告變矣安得結輩數十輩落落參布大湖以南
俾悠悠我里情以無恐乎此詩亦未必佳以其出
自部民尙存直道之公也因過持之

桃花洞

采藥人何去寂寥古洞旁苔封丹竈冷雲鎖石壇荒仙跡
空流水桃花幾夕陽武陵真彷彿多恐誤漁郎

山中訪友

丹嶂明如拭餘霞點黛髮溪沿芳草徑人在夕陽山鳥語
雙扉闔花飛一院閒天然古畫幃掩映翠微閒

嘉慶辛酉乾州張鶴齡避苗亂來吾邑齋中談論竟

夕

苗疆蕩析苦稱戈飄泊孤身喚奈何幾載關山歸夢杳五
溪風雨淚痕多憐才誰是孔北海摧敵難逢馬伏波聞道
平蠻新草策好濡橐筆賦長歌

讀蜀志武侯傳

幾時隆中抱膝年感深三顧意翻然奇才僅創偏安局大
力難回已去天代闕宋唐誰抗爭人如管樂敢齊肩卽今

琴盜褻斜過誰爲驅除掃蔓延

長夏書懷

雨脚初收生晚涼三庚真個小年長酒能排悶戶偏小詩
爲消愁句易狂放眼古今皆夢幻驚心世事總荒唐何如
柳下科頭坐領略荷花萬朵香

自注時友人
招看荷花

九日友人登高

風雨連番爲洗塵卻逢佳節晚晴新四圍木落山初瘦一
徑香濃酒乍陳終古登高同此日祇今能賦更何人醉餘
一老頽唐甚也插茱萸漫效顰

夏夜漫書

閒庭寂坐一燈紅永夜沈沈萬籟空詩就舉頭狂問月酒

步瀛者集卷第一百七十一
醒露面傲當風好山得看歎人健近事難聞幸我聳閒自
思量轉惆悵幾年童叟頓稱翁

獨坐示黃古愚

獨坐何知計暑寒消磨歲月此豪端花能解語樹偏晚詩
爲求工改更難自分桂薑增老辣憑教人世笑酸寒壯心
誰道今灰盡時復挑鐙把劍看

雨後與古愚晚眺

山村雨霽晚生涼閒坐門前看夕陽不識浮雲緣底事也
同人世一般忙

楊柳枝

春風幾樹軟如絲帶雨含煙晚地重到底不知攀折苦年

年還發舊時枝

張秀才如厚 一首

如厚字錫銘別號東軒新化諸生性沈毅偉軀幹
通經術從羅鴻臚典遊獄麓甚久鴻臚極重其人
與先雲渠兄論文甚洽有見贈詩兒輩從殘帙中
檢出爲錄存之

書湘臯經藝後兼簡令兄雲渠時方同赴鄉試也

科名到底論文章溱厲真如百鍊鋼木入三分穿札手材
微百貨饋貧糧側聞當代需賢哲如此先資合拜颺爲語
老兄宜避席季方今已抗元方

夏秀才尙忠 二首

尙忠字雲溪湘潭諸生紫芝學博大鼎子與其兄
儀常均有時名雲溪嘗以詩質余於長沙未幾卒
求其集不得友人寄示二首聊爲存之

題湯幼尊盾墨

才子從軍嶺外歸近時王粲見應稀故人踵戶抄籌筆當
路停車訪布衣能讀父書非墨守自關天授等文機東山
濛雨慙前事鏡唱旋來守舊扉

原注嘉慶初余
曾從軍五溪

自永定回還書湯信甫糸之以詩

爲愁孤棹轉山窩借得新書閱裏過下水日更千萬狀看
書時少看山多

饒訓導建璋 六首

建瓚字特甫龍山人歲貢生官華容訓導卒於官
子祺道光乙酉拔貢龍山雍正初始置縣百餘年
來聞人頗少此集刊成胡澍堂觀察始寄到訓導
詩一帙丞補錄之

病馬

長途資駿馬經病臥山家耳瘦低雙竹毛稀落五花記曾
隨鳳輦不復度龍沙骨尚千金值餘生莫自嗟

和張偉人遊佛潭原韻

常日每期同選勝茲行獨未共探幽得窺風景名篇裏如
覽雲山古寺秋地自咸康原注石壁有摩崖剝落殆盡僅有成康六年四
字可人從隔世憶前遊原注余曾同張道存紅塵何事飛
辨今已三十載

難到白水依山自結樓

憶梅用新城秋柳韻

冰爲肌骨雪精魂經手曾栽故里門
破臘時縈新旅夢巡簷難覓舊香痕
頻年嶺北停雲館何處江南落月村
開向百花頭上早和羹事業待重論

幾日征途戒履霜探春久不到錢塘
竹鐙數盞聊摹樣艾納經年尙貯箱
千里倘教逢驛使一枝定合羨空王
故鄉消息終難問徒住蕭蕭種柳坊

舊有新粧豔舞衣梨花疑是李疑非
詩情灞岸尋猶在畫境羅浮記尙稀
擬把瑤琴三疊譜怕聽玉笛一聲飛
歲寒聞得前盟在歸賞休教夙願違

幾生修到倍生憐，知己垂垂破曉煙。
欲踏芒屨程杳渺，記鋤明月意沈懸。
卽因東閣忙歸計，盼到南枝總隔年。
且把消寒圖共展，寒香若拂帽簷邊。

劉秀才象謙 二首

象謙字虛谷，一字牧菴，湘鄉人。廩生。道光改元

詔舉孝廉。方正湘人以其名應力辭，不就。牧菴居

湘鄉，沼水旁。與其兄象履、坦、衢、弟象恆、立方、象益

孚、菴友，愛慕篤。力學砥行，思以禮教信義化一鄉。

倡行古鄉亭令，甲法鄉之人翕然從之。有王彥方

之風，余嘗過其地，聞里人言，慨然思一履其庭，未

果比彭曉杭學博以牧菴遺詩來，且具述坦、衢、伯

仲願交之意益爲之神往噫悠悠我里安得盡如
君家兄弟者買田結隣長爲無懷氏之民乎

甲申九月八日遊龍山宿鳳皇寺

崎嶇停策到雲窩竹裏殘鐘一刹那數畝平坡開別墅前
胡斷碣臥煙蘿風高木落雁行澗月黑山深虎氣多萬籟
無聲渾不寐披衣趺坐學頭陀

九日遊嶽平頂下至荆竹坪遂宿功德寺

絕頂名堯俯大荒興來今日倍飛揚雲生石澗迷來徑風
送鐘聲出上方瀑布漫誇匡谷勝氎巾且宿贊公房百年
高會幾重九記取花前各盡觴

贈石典緒三首

與緒字元喬，荆鄉人。少有遠志，績學篤行，爲文高
簡古，淡書工率，更體人無知者。子洋，中曉杭道光
戊子舉人。官邵陽訓導。是集已刊，成始從曉杭許
見其詩，亟爲補錄，是卷之末。

晚泊湘潭

商船閩魚鹽，官船颺旌旗。金壘集嘉客，銀簧弄妖姬。望舒
規清湍，素魄光漣漪。寂寂米家舫，獨坐無所爲。

東臺晚眺憶龔大卻寄

倚杖松巖迴，平疇俯目前。夕陽明野水，茅屋上炊煙。鳥喚
橋頭樹，樵歸渡口船。盤山今夜月，獨坐定愁牽。

楮僕射洗筆池

佳兒佳婦語丁甯宮嬴扶持仗外廷豈意斗珠成女禍獨
判頭血謝君靈千秋湘水流哀怨故國秦雲入杳冥太息
殘碑今已滅慙對池草日青青

丁國子森 一首

森字雲樞號松軒湘鄉人監生

秋夜旅懷

微風動深竹暝色坐還幽詩共蛩吟苦心隨雁影流簾涼
人氣健江迴市煙浮今夜洞庭月應憐無限秋

王秀才家補 一首

家補字思贊號錦江湘鄉人諸生

遊東臺

山鏡盤雲上重巒抱閣斜雁行低嶺樹砧響急山家深竹
寒生澗流泉淺露沙欲尋仙子跡石徑臥殘霞

沈湘菴舊集卷第一百七十七終